

## INFORMACIJA SAR TE DEL LAV

O avrikidňipen andre Bičhadengeri sňemovna le Parlamentoskero la Čechikona republikakero  
paraščovin andro d'ives 8. oktobris 2021 le 14.00 orendar dži 22.00 ori  
the sombat 9. oktobris 2021 le 8.00 orendar dži 14.00 ori u

### O voličis hin

- ✓ la Čechikona republikakero themutno,
- ✓ so najnasigeder 9. oktobriste 2021 dochudela 18 berš.

O lav pes del pre phuv la Čechikona republikakeri, kada andro 14 avrikidňipnaskere kraja. O voličis del lav andre kada avrikidňipnaskero okrskos, kaj hino přihlašimen kijo l'ikerdo ačhiben u hin zapisimen andro l'ikerdo voličengero soznamos. Viňimka hine o voliča, so den lav pro voličeskero preukazis (dikh teleder). O lav del pes tiš andre cudzini pre zaačhadutne the konzularna uradi la Čechikona republikakere.

### O avrikidňipnaskere kartki

O avrikidňipnaskere kartki vaš o avrikidňipen andre Bičhadengeri sňemovna hine demade avrether pre savi politicko sera, politicko čalaviben abo koalicija.

Pre sako avrikidňipnaskeri kartka hin o čislos určimen le loseha. O avrikidňipnaskere kartki kajse istone serengere, politickone čalavibengere u koalicijengere musaj te jel označimen andro savore avrikidňipnaskere kraja kale istone avrilosimene numeroha. O avrikidňipnaskere kartki na musaj te kerel calo numericko šoros, te varesavi politicko sera, politicko čalaviben abo koalicija na kandidinel andre savore avrikidňipnaskere kraja.

E informacija pal le kandidatengero členstvos andro politicka seri the politicka čalavibena hin pisimen pre avrikidňipnaskeri kartka charňaripnaha; o soznamos le charňaripnenca kerel kotor andre sada le avrikidňipnaskere kartkicendar.

### Sar pes del o lav

Andro avrikidňipnaskero kher pes den angle o informaciji pal kada, hoj varesavo kandidatos mukhel leskeri kandidatura abo pal kada, hoj o kandidatos pes lel pale. **Kana pes arakhel avri, sar o avrikidňipen dopejla, ta pes o lava dine vaš kajso kandidatos na ginen andre.**

**O voličis mušinel andro avrikidňipnaskero kher presikhavel leskeri identita the leskero štatno themutňipen la Čechikona republikakero**

- ✓ le platnone občanskone preukaziha,
- ✓ le platnone dromengere, diplomatickone abo služebnone pasoha la Čechikona republikakero abo le dromengere preukaziha.

**Te o voličis na presikhavel leskeri identita the o štatno themutňiben (občanstvos) la Čechikona republikakero le kampf'utne dokladoha, na ela leske domukhlo te del lav.**

O voličis resela la okrskovona avrikidňipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e sada le avrikidňipnaskere kartkicengeri.

**Sako voličis del lav korkoro, ňiko aver na šaj del lav vaš leske.**

La uradnona kopertkaha the le avrikidňipnaskere kartkicenca džala o voličis andro than, kaj pes prikeren o kartki. Avreder o hazdňipen leske na ela domukhlo. O voličis thovel andre uradno kopertka jekh avrikidňipnaskeri kartka vaš e politicko sera, o politicko čalaviben abo koalicija, vaš savo abo savi jov pes rozgind'a te del lav. Pre avrikidňipnaskeri kartka, kada isto so jov thovel andre čuči uradno kopertka, jov šaj

avka, hoj kerel e kerekori pašal o šoreskero numero, najbuter ča paš 4 kandidata, so hine pisimen pre kadi isto avrikidñipnaskeri kartka, sikhavel, save kandidatos jov del angl'ipen (jov del les o preferenčno lav).

**O voličis mušinel te bajinel olestar, kaj te thovel andre uradno kopertka ča jekh avrikidñipnaskeri kartka, avreder le voličeskero lav nane platno.**

Nalače hine tiž kajse kartkici, so nane pro kampf'utno formularis, o avrikidñipnaskere kartkici, so hine prečhingerde, the o kartkici, so nane thode andre uradno kopertka.

O voličis del lav avka, hoj jov thovel e uradno kopertka la avrikidla avrikidñipnaskera kartkicaha angle e okrskovo avrikidñipnaskeri komisija andre avrikidñipnaskeri baksica.

Le voličiha, so naš'i vašoda, hoj les hin teštoskeri chiba, kidel avri e avrikid'li avrikidñipnaskeri kartka abo na birinel te genel abo lekhavel (pisinel), šaj ačhel andro than, kaj o avrikidñipnaskere kartkici pes prikeren, aver voličis, afe na o členos la okrskovona avrikidñipnaskera komisijatar, ko prikerela e avrikidñipnaskeri kartkica vaš o voličis u la thovela andre kopertka, eventualnones tiž thovela e uradno kopertka andre avrikidñipnaskeri baksica.

#### **Sar te del lav pro voličeskero preukazis**

Le voličeskere preukaziha šaj pes del lav avri le „kherutne avrikidñipnaskere okrskostar“ andre chočsavo avrikidñipnaskero okrskos pre phuv la Čechikona republikakeri abo andro osobitno avrikidñipnaskero okrskos andre cudzini.

Te o voličis del lav pro voličeskero preukazis, jov mušinel te del o preukazis pale la avrikidñipnaskera komisija.

#### **Sar te del lav andre hordind'i avrikidñipnaskeri baksica**

Le bare dovodendar, perše te hino nasvalo, šaj o voličis mangel le gaveskero foroskero urados the d'ivesende, kana ačhel o avrikidñipen, leskera avrikidñipnaskera komisija, kaj šaj te hazdel avrether le avrikidñipnaskere kherestar andre hordind'i avrikidñipnaskeri baksica. E okrskovo avrikidñipnaskeri komisija šaj bičhavel leskere členen la hordind'a avrikidñipnaskera baksicaha ča andro lakero avrikidñipnaskero okrskos.

**Aven ajse lače, dikhen pal aktualna informaciji angle povinost'a te hordinel o arakhibnaskere prostredki vaš o nakh the vaš o muj. Arakhen tumaro sast'ipen the o sast'ipen avre dženengero u dol'ikeren o doporučena procivepidemicka zathovibena.**